



15. oktober 2018

UKA2018/8

**2017-mut Ilassutissatut aningaasaliissutinut Inatsisissatut siunnersuut siullermeerneqarnera.**  
(Aleqa Hammond, Nunatta Qitornai)

Aningaasaqarnermut naalakkersuisup 2017-mut aningaasatigut inatsisissatut siunnersuutaa ilassutitut aningaasaliinermut tunngavoq, tamannalu siornamut aningaasanut inatsimmut atuutsinneqartumut tunngavoq. 2017-mut aningaasanut inatsiseqarfiusumut tunngatillugu inaarutaasumik missingersuutit missingersuutaapput tamannalu ilassutitut aningaasaliissutit inatsisissatut saqqummiunneqarnera pissusissamisoorpoq kingorna 2017-mut Nunatta Karsiata naatsorsuutaanni takuneqarsinnaassapput.

Ilassutitut aningaasaliissutitut atuinerusimanerput tunngavilersuutigineqartut marluk tassaasut peqqinnissaqarfiup aningaasartuutitigut tatisimaneqarnera aamma suliaqarfimmut tunngatillugu nutaamik isumaqatigiissuteqarsimanerup malitsigisaa aammalu Aasianni peqqissariartortunut akunnittarfiup juni 2016-mi ikuallassimanerata kingorna ullutsinnut naleqquttumik pilerseqqinneqarnissaanut ilassutitut aningaasaliissuteqarsimanermit kingorneqarnera.

Ilassutitut aningaasaliissutissatut inatsisissatut siunnersuut taamatut oqaaseqarfigalugu ataatsimiititaliamut susassaqartumut innersuupparput.